

TEZAU LITURGIC

4 IULIE

**ACATISTUL
SF. MUCENIȚE
OLGA
NICOLAEVNA
DE LA
MOSCOVA**

I



MOSCOVA, 2000



АКАФИСТ СВЯТОЙ СТРАСТОТЕРПИЦЕ, БЛАГОВЕРНОЙ ЦАРЕВНЕ РОССИЙСКОЙ ОЛЬГЕ

Кондак 1

Избранная от рода держанаго, угоднице Христова, благоверная царевно российская Ольго, от безбожных даже до смерти пострадавшая и венец нетленный на небесех стяжавшая; прими похвальные пения от любовию чтущих память твою и со сродники твоима, святыми страстотерпцы царственными, моли Христа Бога сохранитися неврежденными нам от враг видимых и невидимых, да со умилением вопием ти:

Радуйся, святая новомученице, царевно Ольго, теплая молитвеннице о спасении нашем!

Икос 1

Ангелов Творец (и всея твари Царь и Господь) воздвиже в стране Российской род царей благочестивых и произрасти от него ты, святая Ольго, дщи перворожденную великомученика и страстотерпца своего, святаго царя Николая 11. Ты же, благоверная царевно, аки крин благовонный процвела еси в житии

добродетельном и, убеливши ризы своя в крови агнчей, востекла еси в чертози Отца Небеснаго, идеже молишися о всех, взывающих ти сице:

Радуйся, корени царственного отрасли благородная !

Радуйся, боговенчаннх родителей дщи порфирородная!

Радуйся, Иисуса сладчайшего паче всего возлюбившая!

Радуйся, делами милосердия Творцу Нашему угодившая!

Радуйся, достоинство царское со смирением богомудро сочетавшая!

Радуйся, путь страданий Христа ради добровольно избравшая!

Радуйся, в скорбех и муках живот твой скончавшая!

Радуйся, велию благодать молитвы за нас стяжавшая!

Радуйся, святая новомученице, царевно Ольго, теплая молитвеннице о спасении нашем!

Кондак 2

Видевши благоверный император Николай II тя, дщи свою перворожденную, возрадовася зело и на молитве в память о просветительнице рода русскаго Ольгою тя нарече. Ты же, святая царевно, подражающе покровительнице своей в мудрости и благочестии, свято и праведно

жительствовала еси в чертозах отца твоего.
Ныне же, (венцем небесным увенчанная) купно
со святою равноапостольской Ольгою молишися
о нас, взывающе Господеви: Аллилуйя!

Икос 2

Разумом божественным свыше просвещаемая,
всеславная царевно Ольго, начаток и конец
жития твоего на камене благом Христе
Спасителе положила еси; Ему же последующее
вся красная мира сего презрела еси, страдания
многообразные и муки душевные Его же ради
приявше, мзду многу обрела еси у Царя
Царствующих. Мы же, подвиги твоя
достославные ныне поминающее, величаем тя
сице:

Радуйся, добродетелем царственного отца твоего
подражавшая!

Радуйся, милосердию и богомыслию матери
твоя последовавшая!

Радуйся, родителей твоих с любовью
почитавшая!

Радуйся, сестер и брата своею искреннею
любовию возлюбившая!

Радуйся, чистоту душевную свято оберегавшая!

Радуйся, дом Духу Святому себе сотворившая!

Радуйся, сердцем (твоим) Единому Христу
служити вожделевшая!

Радуйся, Предвечному Отцу Небесному

угодившая!

Радуйся, святая новомученице, царевно Ольго, теплая молитвеннице о спасении нашем!

Кондак 3

Сила Всесвятаго Духа воистину осеняюще и храняще тя от дней детства твоего, преславная царевно Ольго, возбуждающе на богомыслие, молитвы и дела милосердия, во еже благоверным и благочестивым прародителям твоим подражали и умиленным сердцем Господеви воспевати: Аллилуйя!

Икос 3

Имея в сердце твоем огонь любви к Богу и ближнему, святая Ольго, свято и праведно жительствоваала еси в дому царственного отца твоего, (милосердие к людем страждущим явила еси) и молитвы твоима горячими и нелицемерными делы благочестия прславляла еси Отца Небеснаго. Сего ради мы подвиги твоя духовныя величаем и зовем ти сице:

Радуйся, паче царских почестей нищету

Христову возлюбившая!

Радуйся, сердца твоего земным сокровищам не приложившая!

Радуйся, таковыми бо ближним со благоговением послужившая!

Радуйся, к Царствию Небесному духовные взоры

твоя обратившая!

Радуйся, высотой ума твоего скорогибнущее
мира сего познавшая!

Радуйся, чистотою сердца твоего любовь
Христову стяжавшая!

Радуйся, добродетельми твоими на пир Антца
Божия нас призывающая!

Радуйся, молитвы твоима двери Царствия
Христова верным отверзающая!

Радуйся, святая новомученице, царевно Ольго,
теплая молитвеннице о спасении нашем!

Кондак 4

Буря искушений и устремлений бесовстих и
волны соблазнов мирских не возмогоша
поколебати храмины твоея душевныя,
новомученице Ольга, основана бо бе на твердом
камене веры во Христа и хранима трезвением,
трудами и молитвы твоима богоприятными; ты
бо на Единого Спасителя уповая, воспевала еси
Ему: Аллилуйя!

Икос 4

Слышавше глаголы Спасителя Нашего «Будьте
убо мудры, яко змии и чисты, аки голуби»,
благодарная царевно, сему усердно поревновала
еси и мудрость государственную с чистотою
сердечною умело сопрягала еси. Мы же, сия
поминаючи, просим тя: озари и нас лучами

добродетелей твоих и прими благоутробно
величания сия:

Радуйся, Христу всем житием твоим
угодившая!

Радуйся, моления теплые Ему возносившая!

Радуйся, в подвигах благочестия Пречистой
Богоматери подражавшая!

Радуйся, любовь выше поста и молитвы
почитавшая!

Радуйся, разум свой в послушание веры
предавшая!

Радуйся, дары благодати Божия сего ради
стяжавшая!

Радуйся, яко тобой ум наш в богомыслии
научается!

Радуйся, яко тобою мрак неведения
прогоняется!

Радуйся, святая новомученице, царевно Ольго,
теплая молитвеннице о спасении нашем!

Кондак 5

Боготочной звезде явилась в житие твоём
подобна еси, благоверная царевно Ольго,
блистающи славою и добродетельми; ты бо
(Христа Бога Нашего от дней детства твоего
всей душою и всем помышлением возлюбивше)
все заповеди Его добре сохранила еси и подвиги
и деяниями твоими достойно прославляла еси

Его Святое Имя, (чистым сердцем) воспевая
Ему: Аллилуйя!

Икос 5

Видя Премудрый Господь наш благое сердца
твоего произволение, усердное заповедей Его
исполнение и велию любовь твою к Нему,
дивныя показа дела Своя в тебе, пречудная
царевно Ольго, ибо все житие и бо все житие
твое на земли многими печальми и болезльми
исполнено бе от клеветы и досаждения,
укорения и иных многих бед и напастей. Ты же,
глас хулы и поношения слышавше в Бозе духом
твоим пребывала еси николиже возроптала еси.

Сего ради таковыя похвалы приносим ти:

Радуйся, царевно премудрая, людей российских
ко спасению путеводительнице!

Радуйся, целомудрия хранительница и
душевныя и телесныя чистоты ревнительнице!

Радуйся, христианского благочестия богомудрая
блюстительнице!

Радуйся, нестроений, раздоров и всякаго
нечестия искоренительнице!

Радуйся, кротких и благих нравов благоискусная
насадительнице!

Радуйся, нечестивых и душетленных обычаев
неуклонная обличительнице!

Радуйся, бодрости и трезвения предобрая
учительнице!

Радуйся, нерадения и праздности известная
прогонительнице !

Радуйся, святая новомученице, царевно Ольго,
теплая молитвеннице о спасении нашем!

Кондак 6

Проповедует днесь Церковь Христова подвизи и
труды твоя, святая угоднице Божия Ольго, и
величает честная страдания твоя (яже за Христа
претерпела еси) и умиленно Богу, дивному во
Святых Своих воспевая о тебе: Аллилуйя!

Икос 6

Возсия в боголюбивей души твоей, святая Ольго,
свет истиннаго боговедения; ты бо, благодатию
Божественною просвещаемая, заповеди
Христовы о любви к Богу и ближнему со
усердием радостно исполняла еси. Мы же, сие
ныне поминающе, с любовью и радостью
приносим ти величания сия:

Радуйся, служению святых жен – мироносиц
Марии и Марфы подражавшая!

Радуйся, людем российским любовь истинную
показавшая!

Радуйся, ближнего паче самой себя
возлюбившая!

Радуйся, болящия и недужныя посещавшая!

Радуйся, бедных и убогих милостивая
попечительнице!

Радуйся, от похоти себялюбия нас исцеляющая!
Радуйся, и нас делами милосердия служиши
Христу научающая!
Радуйся, светом радости души наша
озаряющая!
Радуйся, святая новомученице, царевно Ольго,
теплая молитвеннице о спасении нашем!

Кондак 7

Хотяще велениям богопросветленнаго сердца
твоего следовати, благоверная царевно, не
возжелала еси честным браком с царевичем
румынским сочетатися и сего ради не венцем
царицы земной, а мученицы Христовой, от
Подвигоположника Иисуса увенчалася еси. Тем
же просим тя, Ольго святая; сотвори молитву
твою о спасении нашем, да сподобимся купно с
тобою во веки веков Господеви воспевати:
Аллилуйя!

Икос 7

Новыя тяжкие испытания посла ти Господь, егда
во дни смут и мятежей народных,
неблагодарные подданные отца твоего в палатах
царских тя затвориша. Ты же, царевно святая,
разумея «яко притерпевый до конца спасен
будет», чести царственныя лишение,
оскорбления, осмеяния и иные скорби кротце
прияла еси. Мы же ныне долготерпение твое

хвалим, взывая ти сице:

Радуйся, соблазнами мира сего не прельщенная!

Радуйся, Духом Святым просвещенная!

Радуйся, светом небесным во страданиях озаренная!

Радуйся, поругания и досаждения за Христа претерпевшая!

Радуйся, во исповедании веры Христовой добре пребывшая!

Радуйся, родителей, сестер и брат духовно укрепившая!

Радуйся, чтущих память твою от всяких зол охраняющая!

Радуйся, имя твое призывющим отраду велию подавающая!

Радуйся, святая новомученице, царевно Ольго, теплая молитвеннице о спасении нашем!

Кондак 8

Странствие прескорбное купно с семью твоею и слуги верными из града Петрова в землю Сибирскую совершила еси, благоверная царевно Ольго, все упование твое на Господа Нашего Иисуса Христа возлагая, благодаряще Его, давшего ти не точию в Него веровати, но и по Нем страдати, воспевая Ему пение ангельское: Аллилуйя!

Икос 8

Вся благодатию Божиею озаренная и Духом Святым просвещенная была еси, богомудрая царевно Ольго, егда из заточения твоего возвестила еси людем российским, да простят оные убиение ваше и мщениа за вы не имут, ведуще, яко токмо любовь (Христовой) возможно есть смерть победити. Мы же сия ныне поминающе, просим тя, страстотерпице богоблаженная, научи нас Бога и ближних любить и приими величания сия:

Радуйся, волю Божию исполняти нас научающая!

Радуйся, омраченныя умы наши просветляющая!

Радуйся, ожесточенныя сердца наши умягчающая!

Радуйся, от плевел ненависти их освобождающая!

Радуйся, грешных к покаянию невидимо направляющая!

Радуйся, плоды покаяния верным приносить помогающая!

Радуйся, духом кротости и любве нас наполняющая!

Радуйся, пламень злобный струями любве твоея угосающая!

Радуйся, святая новомученице, царевно Ольго, теплая молитвеннице о спасении нашем!

Кондак 9

Всякия беды, скорби и напасти избавляеши нас, святая страсотерпице, твоими теплыми к Богу молитвы, испроси же и нам вся ко временной и вечной жизни потребная и полезная, да сподобимся (предстательством твоим) Горнего Иерусалима достигнути и купно с тобою и всеми новомученики земли Российския воспевати: Аллилуйя!

Икос 9

Ветии мира сего не возмогут по достоянию восхвалити добродетели и страдания твоя, святая царевно Ольго, тем же и мы, недостойнии, воспети желающе Владыку и Жизнедавца, благодатию своею в годину буйных, тяжких мрачных дней твоих ты укрепившего и по смерти венец нетленный тебе даровавшего, молим тя, страсотерпице царственная, призри на воздыхание сердец наших и неотступна буди помощница наша, вся благая дарующи предстательством твоим, воспевающим тя сиче:

Радуйся, в дому Отца Небеснаго обитель себе сотворившая!

Радуйся, Христу, Жениху твоему,

сопострадавшая!

Радуйся, плоды Духа Святаго стяжати нам помогающая!

Радуйся, мир Божий в сердца наша привносящая!

Радуйся, во страданиях призывать Бога научающая!

Радуйся, чада наша от соблазнов мира соблюдающая!

Радуйся, от греховных навыков сердца наша освобождающая!

Радуйся, огнем молитвы твоея стрелы вражия попяляющая!

Радуйся, святая новомученице, царевно Ольго, теплая молитвеннице о спасении нашем!

Кондак 10

Спасение и славы вечныя достигла еси, святая новомученице, егда верности Христу ради претерпела еси страдания лютыя и смерть мученическую. Мы же, память твою святую благоговейно чтуще, просим тя, благоверная Ольго, исцели недуги наши духовныя и телесныя, да и тобою Благодеющему нам Господу смиренне воспеваем: Аллилуйя!

Икос 10

Царю Небесному верность во страданиях твоих сохранила еси, богомудрая царевно Ольго, во

след апостолу помысляюще: «аще бо живем, Господеви живем, аще бо умираем, Господеви умираем» (Рим.14:8) и тако без боязненно пришла еси к венцу жития твоего земнаго. Мы же, воспоминающе о подвигах твоих, восписуем ти хваления сия:

Радуйся, слезами и молитвами к смерти ся предуготовившая!

Радуйся, достойно мученическую кончину приявшая!

Радуйся, пренесением мук лютых тленная на нетленная пременявшая!

Радуйся, терпением твоим верных христиан возвеселившая!

Радуйся, от теплохладия и маловерия нас исцеляющая!

Радуйся, в вере и верности Богу нас утверждающая!

Радуйся, прощати и благословляти ближних нас научающая!

Радуйся, в кротости и смирении нас утверждающая!

Радуйся, святая новомученице, царевно Ольго, теплая молитвеннице о спасении нашем!

Кондак 11

Пение наше молебное не призри, святая Ольго, се бо любовью подвижаемы ко святому образу твоему притекаем и просим тя: сохрани нас в

вере христианской, во всяком благочестии и чистоте, да в смертном успении нашем обрящемся достойни Господеви воспевати : Аллилуйя!

Икос 11

Светоносным сиянием троическим (выну) озаренная, богоблаженная царевно Ольго, просвети и наши сердца, мглою греховною помраченныя: да елеем дел благих возжегше угасшие светильники душ наших, сподобимся брачнаго Христова чертога, идеже ты ныне веселишися со всеми от века Ему угодившими и слышиши от нас благохваления сия:

Радуйся, венценосице добропобедная от Христовой десницы увенчанная!

Радуйся, во свете лица Божия присно пребывающая!

Радуйся, по Бозе вся благая нам взыскующая!

Радуйся, от горных высот на помощь к нам ускоряющая!

Радуйся, от внезапной смерти нас сохраняющая!

Радуйся, о спасении нашем Святую Троицу умоляющая!

Радуйся, милость Богородицы к нам приклоняющая!

Радуйся, царевно преславная, земли Российской покровительнице и заступнице!

Радуйся, святая новомученице, царевно Ольго, теплая молитвеннице о спасении нашем!

Кондак 12

Благодать Божию и милость нам подати, прошение грехов и направление жития ниспослати испроси нам у Милосердного Господа, святая Ольго, и не престай о нас пред лицем Вседержателя Бога моляще, яко стяжавшая к Нему дерзновение многое. О сем же усердно к тебе преподающе, просим и благоумиленно зовем всех Творцу: Аллилуйя!

Икос 12

Поюще твое прославление в лики святых Церкви Российской хвалим, славим и ублажаем тя любовью, святая Ольго, яко заступницу и молитвенницу о нас пред Господом. Ты же дарованною тебе благодатию освяти и просвети омраченные грехом умы и сердца наша, настави нас на путь спасения, утоли скорби наши земные (и радости духовной нас исполни). Ты бо светом благодати твоея нас озаряеши, сердца наша увеселяеши и позвизаеши нас пети ти сице:

Радуйся, со всеми святыми Престолу Божьему предстоящая!

Радуйся, с воинством мученическим Творцу хвалу возносящая!

Радуйся, преподобных и праведных достойная
сонаследнице!

Радуйся, сердца наша огнем Божественных
ревности воспаляющая!

Радуйся, о мире всего мира непрестанно
Спасителя умоляющая!

Радуйся, за вся Творца благодарити нас
наставляющая!

Радуйся, милость и утешение всем верным
являющая!

Радуйся, милосердие Божие к нам
приклоняющая!

Радуйся, святая новомученице, царевно Ольго,
теплая молитвеннице о спасении нашем!

Кондак 13

О, святая новомученице, благоверная царевно
Российская Ольго, прими милостивно
похвальное пение сие от нас недостойных (и
многогрешных) во умилении сердец тебе
приносимое и предстательством твоим у
Всемилоствиваго Господа Нашего; от враг
видимых и невидимых избави нас, (от всяких
болезней душевных и телесных освободи,) и от
вечнаго мучения молитвами твоими сохрани,
сподобимся купно с тобою и всеми святыми,
Пресвятой Троице песнь хвалебную воспевати
выну: Аллилуйя!



**ПОЛНЬІЙ
АКАФИСТНИК
КАНОНИЧЕСКІЙ**

**АКАФИСТЫ
КО ГОСПОДУ БОГУ
ПРЕСВЯТОЙ
БОГОРОДИЦЕ
АРХАНГЕЛАМ
И АНГЕЛАМ**

І

НОВОЕ
НЕБО